

## ლევანი თელია

სარკინიგზო ტრანსპორტის განვითარება და საქართველოს  
სატრანსპორტო გადაზიდვების ზრდის შესაძლებლობები

დოქტორის აკადემიური ხარისხის მოსაპოვებლად წარმოდგენილი  
დისერტაციის

## ა ვ ტორეფერატი

სადოქტორო პროგრამა „ტრანსპორტისა და მრეწველობის  
მენეჯმენტი“ 02

თბილისი

2016 წელი

ხელმძღვანელი: პროფესორი თამარ კილაძე

რეცენზენტები: პროფესორი ნოდარ დუმბაძე

ასოცირებული პროფესორი ალექსი ნონიაძე

დაცვა შედგება 2016 წლის ..... საათზე  
საქართველოს ტექნიკური უნივერსიტეტის სატრანსპორტო და  
მანქანათმშენებლობის ფაკულტეტის სადისერტაციო საბჭოს კოლეგის  
სხდომაზე, კორპუსი I აუდიტორია.....

მისამართი: 0175, თბილისი, კოსტავას 77.

დისერტაციის გაცნობა შეიძლება სტუ-ს ბიბლიოთეკაში,  
ხოლო ავტორეფერატისა - ფაკულტეტის ვებგვერდზე

სადისერტაციო საბჭოს სწავლული მდივანი,  
პროფესორი

ნია ნათბილაძე

საქართველოს ტექნიკური უნივერსიტეტი

ხელნაწერის უფლებით

## სამუშაოს ზოგადი დახასიათება

**სამუშაოს აქტუალურობა.** საქართველოს დამოუკიდებელ და სუვერენულ ქვეყნად ჩამოყალიბების შემდეგ რკინიგზის ტრანსპორტის წინაშე წამოიჭრა სერიოზული ამოცანები, რომელთა შორის უმნიშვნელოვანებია მთავარი სარკინიგზო მაგისტრალის გადაზიდვითი სიმძლავრის ამაღლება, რათა უზრუნველყოფილი იქნეს ახლო მომავალში მზარდი სატრანზიტო და ადგილობრივი ტვირთნაკადების სრულად და ეფექტურად ათვისება.

საქართველოს გეოსტრატეგიულმა მდგომარეობამ საქართველოს რკინიგზას მიანიჭა სატრანზიტო გზის სტატუსი, რომელიც გახდა მთავარი დამაკავშირებელი არტერია ევროპასა და აზიას შორის. საქართველოს ტერიტორიის გავლით “ტრასეეკა”-ს პროგრამის განხორციელება ჩვენს ქვეყანას აძლევს სამომავლო პერსპექტივებს ეკონომიკის გაძლიერების თვალსაზრისით. ადნიშნულ დერეფანში ამაღლდება მატარებელთა მოძრაობის სიჩქარეები, რაც გაზრდის საქართველოს რკინიგზის მთავარი მაგისტრალის გამტარობისა და გადაზიდვის უნარს. აქედან გამომდინარე საქართველოს რკინიგზის მუშაობის სრულყოფისთვის აუცილებელია სატრანზიტო ტვირთნაკადების მოზიდვა და თვით გადაზიდვების მოცულობის გაფართოება, მისი ოპტიმალური ორგანიზება და მატარებელთა მოძრაობის უსაფრთხოების ამაღლება. ამისათვის აუცილებელია საქართველოს რკინიგზის სატრანზიტო გადაზიდვების ზრდის შესაძლებლობების გამოკვლევა და საქართველოს რკინიგზის ცენტრალური მიმართულების რკინიგზის უბნების არსებული სიმძლავრეების შესაბამისობის დადგენა საჭირო სიმძლავრეებთან.

სარკინიგზო ტრანსპორტის მუშაობის სრულყოფის მიმართულებით მნიშვნელოვანია გადაზიდვითი პროცესის მაღალეფებიანი ინტენსიური ტექნოლოგიების გამოყენება, რომელებიც რკინიგზის მწარმოებლურობის ამაღლების საშუალებას იძლევიან. მათ შორის შეიძლება გამოიყოს: გრძელშემადგენლობიანი და შეერთებული მატარებლების ტარება, რკინიგზისა და პორტის სადგურთა მუშაობის ტექნოლოგიების სრულყოფა, საკონტეინერო გადაზიდვების ფართოდ დანერგვა, და სხვ.

აღნიშნული პრობლემების გადაჭრის საკითხებს შეეხება წარმოდგენილი სადისერტაციო ნაშრომის თემა, რაც განსაზღვრავს მის აქტუალურობას.

### **დისერტაციის მიზანია:**

- საქართველოს რკინიგზის მუშაობის ძირითადი ტექნიკურ-ეკონომიკური მაჩვენებლების ანალიზი და მისი პერსპექტიული განვითარების ძირითადი მიმართულებების ჩამოყალიბება;
- საქართველოს რკინიგზის სატრანზიტო მიმართულებაზე გადაზიდვითი სიმძლავრის გამოკვლევა და მისი ამაღლების გზების დადგენა ყოველწლიურად მზარდი ტვირთნაკადების ათვისების მიზნით, არსებულ და უახლოეს პერსპექტივაში საჭირო ტექნიკური საშუალებებისა და ინტენსიური ტექნოლოგიების გამოყენების საფუძველზე.

**სამისერტაციო ოგმის კვლევის მეთოდიკა.** ნაშრომში გამოყენებულია რკინიგზის უბნებისა და მიმართულებების გამტარობისა და გადაზიდვის უნარის გაზრდის საკითხებში მომუშავე ცნობილ მეცნიერთა და სპეციალისტთა მიერ შესრულებული კვლევების მეთოდები.

### **ნაშრომის მეცნიერული სიახლეები:**

- ჩატარებულია 2010-2015 წლებში საქართველოს რკინიგზის მუშაობის ძირითადი ტექნიკურ-ეკონომიკური მაჩვენებლების ანალიზი და ჩამოყალიბებულია მისი პერსპექტიული განვითარების ძირითადი მიმართულებები;
- გამოკვლეულია საქართველოს რკინიგზის სატრანზიტო გადაზიდვების ზრდის შესაძლებლობები, კერძოდ დადგინდა, რომ საქართველოს რკინიგზის ცენტრალურ მიმართულებას ტვირთნაკადის მოცულობის ზრდის პირობებში შეუძლია გაატაროს არანაკლებ 30-35 მლნ.ტ ტვირთი წელიწადში;
- გამოკვლეულია საქართველოს რკინიგზის ცენტრალურ მიმართულებაზე ტექნიკური სიმძლავრე, კერძოდ: “ხაშური-ზესტაფონის”, “სამტრედია-ბათუმისა” და “სამტრედია-ფოთის”

რკინიგზის უბნების არსებული ტექნიკური სიმძლავრეების შესაბამისობა საჭიროსთან, რის საფუძველზეც დადგინდა:

- ტვირთდაპაბულ რეჟიმში მუშაობს “ხაშური-ზესტაფონის” უბანი 2009 წლიდან;
- ტვირთდაპაბულ რეჟიმში მუშაობს “სამტრედია-ფოთის” უბანი 2007 წლიდან;
- სტაბილურ რეჟიმში იმუშავებს “სამტრედია-ბათუმის” უბანი 2017 წლამდე;
- შემოთავაზებულია საქართველოს რკინიგზის სიმძლავრის გაზრდის ინტენსიური ტექნოლოგიები, ასევე შემოთავაზებულია რკინიგზის უბნების გამტარ-და გამზიდუნარიანობის გაანგარიშების დაზუსტებული ფორმულები;
- განსაზღვრულია ინტენსიური ტექნოლოგიების გამოყენების შედეგად მიღებული ეკონომიკური ეფექტიანობა.

**დისერტაციის პრაქტიკული დირექტულება.** საქართველოს რკინიგზის ცენტრალური მიმართულების უბნებზე არსებული სიმძლავრეების შესაბამისობის გამოკვლევა საჭიროსთან იძლევა საშუალებას რეალური მონაცემების საფუძველზე შეფასდეს რკინიგზის მთავარ მაგისტრალზე არსებული მდგომარეობა და დაისახოს ქმედითი დონისძიებები უახლოეს მომავალში აღნიშნულ უბნებზე საჭირო გამტარუნარიანობის რეალიზაციისათვის. ამასთანავე ნაშრომში შემოთავაზებული ეფექტური ინტენსიური ტექნოლოგიების პრაქტიკული რეალიზაციის პირობებში მნიშვნელოვნად შემცირდება გადაზიდვებზე წლიური საექსპლუატაციო ხარჯები.

**ნაშრომის პრობაცია** - სადისერტაციო ნაშრომის ძირითადი დებულებები მოხსენებული და განხილული იქნა: საქართველოს ტექნიკური უნივერსიტეტის სტუდენტთა 82 და 83-ე ლია საერთაშორისო სამეცნიერო-ტექნიკურ კონფერენციებზე (2014, 2015 წწ.); საქართველოს ტექნიკური უნივერსიტეტის სატრანსპორტო და მანქანათმშენებლობის ფაკულტეტის

ტრანსპორტისა და მანქანათმშენებლობის მენეჯმენტის №512  
დეპარტამენტის სხდომებზე და კოლოქიუმებზე (2014, 2015, 2016 წწ.).

**პუბლიკაცია** - დისერტაციის მასალების მიხედვით გამოქვეყნებულია ხუთი  
სამუცნიერო ნაშრომი.

**ნაშრომის მოცულობა და სტრუქტურა**. დისერტაცია მოიცავს რეზიუმეს  
(ქართულ და ინგლისურ ენებზე), შინაარსს, ცხრილების ნუსხას, ნახაზების  
ნუსხას, შესავალს, ლიტერატურის მიმოხილვას, შედეგებსა და მათ  
განსჯას, დასკვნას, გამოყენებული ლიტერატურის სიას. ნაშრომი  
წარმოდგენილია 160 გვერდზე, მათ შორის 7 ცხრილი და 18 ნახაზი.

## ნაშრომის მოპლე შინაარსი

**რეზიუმეში** ასახულია ნაშრომში მიღებული ძირითადი შედეგები და მათი  
პრაქტიკული ლირებულებები.

**შესავალში** დასაბუთებულია თემის აქტუალურობა და მოკლედ არის  
გადმოცემული დისერტაციის არსი.

**ლიტერატურის მიმოხილვა** ყოფილი საბჭოთა კავშირის პირობებში  
საქართველოს რეინიგზა შემადგენელი ნაწილი იყო ამიერკავკასიის  
რეინიგზისა, რომელიც აერთიანებდა დღევანდელი საქართველოსა და  
სომხეთის რეინიგზებს და ერთ-ერთი მოწინავე გზა იყო. თავისი  
გეოგრაფიული მდებარეობით და დაკისრებული ფუნქციებიდან  
გამომდინარე. იმ დროისათვის ამიერკავკასიის რეინიგზა მიჩნეული იყო  
როგორც ჩიხობრივი გზა. სატრანზიტო გადაზიდვები ფაქტიურად არ იყო,  
ხოლო თუ იყო - ძალიან მცირე მოცულობით.

საქართველოს დამოუკიდებელ ქვეყნად ჩამოყალიბების შემდეგ  
საქართველოს რეინიგზა გახდა სატრანზიტო გზა და დამაკავშირებელი  
რგოლი აზიასა და ევროპას შორის. მიუხედავად იმისა, რომ საბაზრო  
უკონომიკის პირობებში რეინიგზის მუშაობის გენერალური მიმართულება  
უცვლელი დარჩა, მკვეთრად შეიცვალა სარკინიგზო ტრანსპორტის  
მუშაობის ძირითადი ამოცანები.

მსოფლიო ეკონომიკის განვითარების ძირითადი მიმართულებების  
პროგნოზირების ანალიზი ცხადყოფს, რომ XXI საუკუნეში მთავარი

საფინანსო, სავაჭრო და საინფორმაციო ნაკადები აშშ-ევროპა-აზიის სამკუთხედში მოიყრის თავს. ამ თვალსაზრისით თავისი გეოპოლიტიკური მდგრმარეობის გამო საქართველო წელ-წელა, მაგრამ მკვიდრად იკავებს სათანადო ადგილს თანამედროვე მსოფლიოში.

ევროკავშირის აქტიური ძალისხმევის შედეგად 1993 წელს ბრიუსელის დეკლარაციით, საქართველომ, აზერბაიჯანმა, სომხეთმა, ყაზახეთმა, უზბეკეთმა, თურქენეთმა და ტაჯიკეთმა დაადასტურეს ევროპა-კავკასია-აზიის სატრანსპორტო დერეფნის აქტუალურობა. მიღებულ იქნა სატრანსპორტო პროექტების ოთხი ძირითადი მიმართულება: რკინიგზა, საავტომობილო კომუნიკაციები, ნავსადგურები და საზღვაო გადაზიდვები და კომერციული საქმიანობა. ევროკავშირის აქტიური მხარდაჭერით (1993 წლიდან დღემდე განხორციელებულია 40-მდე ტექნიკური დახმარება და საინვესტიციო პროექტი) დღეისათვის ეს პროექტები უკვე მოქმედებაშია: „ტრასეკას“ სატრანსპორტო დერეფნის მეშვეობით შუა აზიიდან წამოსული ტვირთები უკვე ბათუმისა და ფოთის ნავსადგურების საშუალებით იგზავნებიან დანიშნულებით.

ბულგარეთის, საქართველოს და უკრაინის მთავრობების გადაწყვეტილებით, 1999 წელს ექსპლუატაციაში შევიდა ბათუმისა და ფოთის პორტების საბორნე გადასასვლელები ბათუმიდან და ფოთიდან ილიჩოვსკის (უკრაინა) პორტის გავლით ვარნამდე (ბულგარეთი) ტვირთების ტრანსპორტირებისათვის. 1996-2002 წლებში „ტრასეკას“ საქართველოსა და აზერბაიჯანის მონაკვეთზე გადასაზიდი ტვირთების მოცულობა 5-6-ჯერ გაიზარდა. ეს გარემოება მეტყველებს იმაზე, რომ „ტრასეკას“ სატრანსპორტო დერეფნანი პრიორიტეტულია ევროპის იმ ცხრა სატრანსპორტო დერეფნანს შორის, რომელიც დღეისათვის მოქმედებს. აღნიშნული დერეფნანი ცენტრალური აზიიდან ევროპამდე საქართველოზე გავლით გაცილებით მოკლეა სხვა დერეფნებთან შედარებით. ამიტომ ეს გზა რენტაბელური და კონკურენტუნარიანია.

საქართველოს რკინიგზას საგარეო ურთიერთობის გააქტიურების შედეგად ფართო სავაჭრო-ეკონომიკური კავშირურთიერთობა აქვს დამყარებული მეზობელ ქვეყნებთან, სხვა ქვეყნების სატრანსპორტო

ორგანიზაციებთან და კერძო ფირმებთან. ყოველივე ეს საფუძველია იმისა, რომ საქართველოს რკინიგზა უკვე რეალურად გადაიქცა საერთაშორისო სატრანსპორტო მაგისტრალურ ხაზად. მან უკვე გადადგა ნაბიჯები საერთაშორისო სატრანსპორტო სისტემის ინტეგრაციის საქმეში.

საქართველოს რკინიგზის ტრანსპორტის წინაშე წამოჭრილია უმნიშვნელოვანესი ამოცანები, რომელთა შორის ერთ-ერთი პირველია მთავარი სარკინიგზო მაგისტრალის გამტარუნარიანობის ამაღლება, რათა უზრუნველყოფილი იქნეს მომავალში მზარდი სატრანზიტო და ადგილობრივი ტვირთნაკადების ათვისება.

რკინიგზის გამტარუნარიანობის გაზრდის საკითხებს მიუძღვნეს სამეცნიერო შრომები ცნობილმა მეცნიერებმა: თ. კოჩიევმა, ვ. აკულინიჩევმა, ა. მაკარონჩინმა, ი. სოტნიკოვმა, გ. სოტნიკოვმა, ლ. ტულუპოვმა და სხვებმა. აღნიშნულ საკითხებში მუშაობენ აგრეთვე ქართველი მეცნიერებიც: პ. ქეჩაძე, გ. თელია, თ. ბიჭიაშვილი და სხვები.

რკინიგზის გადაზიდვითი პროცესის სტაბილური განვითარება ბევრ ფაქტორზეა დამოკიდებული. მათ შორის უმთავრესია ტექნიკური და ტექნოლოგიური ბაზა. თუ გავაანალიზებთ საქართველოს რკინიგზის დღეგანდელ მდგომარეობას, აღმოჩნდება, რომ მისი ცენტრალური მიმართულება აღჭურვილია რ-65 ტიპის მძლავრი რელსებით. საქართველოს რკინიგზა 100%-ით ელექტროფიცირებულია და სადგურთა უმრავლესობა აღჭურვილია 850 მ სასარგებლო სიგრძის სალიანდაგო განვითარებით. მაგრამ საქართველოს რკინიგზაზე ჯერ კიდევ შეზღუდულია ინტენსიური ტექნოლოგიების ფართოდ გამოყენების შესაძლებლობები. აღნიშნულ პრობლემებს ეძღვნება აკად. დოქტორის, ასოც. პროფესორის ჯ. მორჩილაძის დისერტაცია, სადაც განხილულია რკინიგზის ხაზების მუშაობა ექსტრემალურ პირობებში, გამოკვეთილია რკინიგზის ხაზების გამტარობის უნარის ამაღლების შესაძლო რეზერვები, შემუშავებულია რკინიგზის სიმძლავრეების ამაღლების ეფექტური მეთოდები.

საქართველოს რკინიგზის საბაზო ეკონომიკაზე გადასვლამ გამოიწვია ერთის მხრივ ტვირთგამგზავნებს, ხოლო მეორეს მხრივ -

რკინიგზის ტრანსპორტის მართვის ორგანოებს შორის ურთიერთდამოკიდებულების პრინციპების შეცვლა. დღეისათვის მოსალოდნელი გადაზიდვების მოცულობის თითქმის 70% ისაზღვრება წინასწარ მიწოდებული განაცხადებით და გრძელვადიანი ხელშეკრულებებით. დანარჩენი 30% წარმოადგენს საანგარიშო მონაცემებს.

სარკინიგზო გადაზიდვების მენეჯმენტის ოპტიმიზაციის პრობლემებს შეეხება აკად. დოქტორის, ასოც. პროფესორის მ. ზუბიაშვილის დისერტაცია, სადაც დამუშავებულია თანამედროვე პირობებში სარკინიგზო მენეჯმენტში ტვირთების გადაზიდვის განაცხადით გათვალისწინებული მოსალოდნელი გადასაზიდი ტვირთის მოცულობის დაგეგმვის და განსაზღვრის ახალი ტექნოლოგია, მოცემულია ტვირთების გადაზიდვის საპროგნოზო ამოცანების გადაწყვეტის დროს მარკეტინგული მეთოდების გამოყენების სფეროები.

საქართველოს რკინიგზის ტრანზიტულობის ამაღლებისათვის აუცილებელია მიმზიდველი საინვესტიციო გარემოს შექმნა. ამ თვალსაზრისით მნიშვნელოვანია აკადემიური დოქტორის დ. ჯაფარიძის სადისერტაციო ნაშრომი, სადაც ავტორი პირველად იკვლევს ინგენიერულ-ინოვაციური პროექტების ეფექტიანობაზე მოქმედი ფაქტორების მართვის პრინციპებს სარკინიგზო ტრანსპორტზე.

კონკურენტული სატრანზიტო კორიდორის შესაქმნელად აუცილებელია თანამედროვე სატრანსპორტო ინფრასტრუქტურა და სწორი სატარიფო პოლიტიკის გატარება.

სატრანსპორტო საწარმოებისა და სარკინიგზო ტრანსპორტის მართვის პროცესების თანამედროვე მდგომარეობის ანალიზსა და მისი განვითარების პერსპექტივებს შეეხება აკად. დოქტორის ა. კურტანიძის დისერტაცია, სადაც შემოთავაზებულია სარკინიგზო ტრანსპორტის მომსახურების და მართვის ავტომატიზირებული სისტემის შექმნა, რომელიც საშუალებას იძლევა გაადვილდეს სატრანსპორტო საწარმოს ეფექტურად მართვისათვის საჭირო გადაწყვეტილებების მიღება, ინტენსიური გახდეს ტვირთების დამუშავების და გადაზიდვის პროცესები.

როგორც ლიტერატურის მიმოხილვა ადასტურებს, მიუხედავად მრავალი ჩატარებული კვლევისა და მეცნიერებლი სიახლეების შემთავაზებისა, სარკინიგზო ტრანსპორტის მუშაობის სრულყოფისა და მისი სიმძლავრეების ამაღლების მიმართულებით კვლავ რჩება მრავალი გადასაწყვეტი პრობლემა.

შედეგებისა და მათი განსჯის პირველ თავში განხილულია - საქართველოს სარკინიგზო ქსელის არსებული მდგომარეობა, მისი როლი ქვეყნის ეკონომიკის გაძლიერების საქმეში და განვითარების პერსპექტივები.

საქართველოს სარკინიგზო ტრანსპორტი ეროვნული მეურნეობის ერთადერთი დარგია, რომელმაც საბაზრო ურთიერთობებზე გადასვლის პროცესში შეინარჩუნა სრული მართვადობა და სტაბილურად უზრუნველყოფს ტვირთზიდვასა და მგზავრთა გადაყვანას.

რკინიგზის ტრანსპორტმა თავისი არსებობის რთულ გზაზე დიდ წარმატებებს მიაღწია და იგი განვითარების ყოველ ეტაპზე დიდ როლს ასრულებდა და ახლაც ასრულებს ეკონომიკის აღორძინებასა და აღმავლობაში. ტრანსპორტის ამ სახეობის წინაშე კვლავაც დგას ამჟამინდელი სიმნელეებით გამოწვეული ამოცანები და პრობლემები, როგორიცაა: რკინიგზის ქსელის შემდგომი განვითარება; რკინიგზის ხაზების გამტარ- და გადაზიდვისუნარიანობის გაზრდა; მატარებელთა მასისა და მომრაობის სიჩქარის გადიდება; გადაზიდვითი პროცესის ხარისხისა და ეკონომიკურობის გაუმჯობესება; საწარმოო პროცესების მექანიზაციისა და ავტომატიზაციის განვითარება; შრომის ნაყოფიერების ზრდის უზრუნველყოფა და სხვ.

ეროვნული მეურნეობის შემდგომი განვითარება მოითხოვს რკინიგზათა ქსელის სათანადო გაფართოებას. საქართველოში მრეწველობისა და სოფლის მეურნეობის აღორძინება სარკინიგზო გადაზიდვების მაქსიმალური უზრუნველყოფით დიდ ამოცანას უსახავს რკინიგზას და აუცილებელს ხდის მის შემდგომ განვითარებას. ერთ-ერთი მნიშვნელოვანი საკითხია საქართველოს რკინიგზის მთავარი მაგისტრალის გადაზიდვითი სიმძლავრის ამაღლება, რათა უზრუნველვყოფილი იქნეს ახლო მომავალში

მზარდი სატრანზიტო და ადგილობრივი ტვირთნაკადების სრულად და ეფექტურად ათვისება. ამ ტვირთნაკადების ზრდა დაკავშირებულია ჩვენი ქვეყნის საწარმო-დაწესებულებათა ამოქმედებასა და მუშაობის ინტენსიურიკაციასთან. რკინიგზის ტრანსპორტის წინაშე წინა პლანზე წამოიწია აგრეთვე გადაზიდვის ხარისხის, მუშაობაში ოპერატიულობისა და რიგმულობის ამაღლების, ტრანსპორტირების ვადების შემცირებისა და სხვა საკითხებმა.

ხაზი უნდა გაესვას იმ გარემოებასაც, რომ რკინიგზის ხაზებით და სათანადო სარკინიგზო სატრანსპორტო მომსახურებით შედარებით ნორმალურად გამოიყურება მხოლოდ საქართველოს ტერიტორიის ცენტრალური ზოლი. რაც შეეხება ქვეყნის სამხრეთისა და ჩრდილოეთის რეგიონებს, აქ მდგომარეობა სარკინიგზო კომუნიკაციათა განვითარების თვალსაზრისით არადამაკმაყოფილებელია, რაც უარყოფითად მოქმედებს აღნიშნულ რეგიონთა ექონომიკურ აღორძინებასა და სოციალურ მდგომარეობაზე. ქვეყნის ტერიტორიაზე რკინიგზის ხაზების უთანაბრო და არარაციონალური განაწილების გამო ძალზე გადატვირთული გამოდის მთავარი მაგისტრალი, რომლის გამტარუნარიანობა ახლო მომავალში კედარ დააკმაყოფილებს ადგილობრივ და სატრანზიტო გადაზიდვების გაზრდილ მოთხოვნებს.

დიდი კურადღება უნდა დაეთმოს სატრანზიტო ტვირთნაკადების მოზიდვას და თვით გადაზიდვების გაფართოებას, ამ გადაზიდვათა ოპტიმალურ ორგანიზებას და ტექნიკურ-ტექნოლოგიურ უზრუნველყოფას, მატარებელთა მოძრაობის უსაფრთხოებას და მაღალ სამარშრუტო სიჩქარეთა მიღწევას.

საყოველთაოდ ცნობილია, რომ “ტრასეკას” ფარგლებში საქართველომ შეიძინა უმნიშვნელოვანესი როლი და გახდა ამ პროექტის მთავარი რეგიონალური მოთამაშე. შედეგად წამოიჭრა მრავალი აქტუალური და პრობლემატური საკითხი.

საქართველოს ტერიტორიის გავლით “ტრასეკას” პროგრამის განხორციელება ქვეყანას აძლევს სამომავლო პერსპექტივებს ეკონომიკური გაძლიერების თვალსაზრისით. ამიტომ რკინიგზის ტრანსპორტის მუშაობის

სრულყოფას დიდი ყურადღება უნდა დაეთმოს. პირველ რიგში საჭიროა საქართველოს რკინიგზის მთავარი მაგისტრალის ტექნიკურ შესაძლებლობათა მაქსიმალური აღდგენა, რათა შევძლოთ წელიწადში არანაკლები 30-35 მლნ.ტ. სატრანზიტო ტვირთის გატარება.

დღეისათვის საქართველოს რკინიგზის საექსპლუატაციო სიგრძე 1583 კმ-ია, სადაც განლაგებულია 140 სადგური, რომელთა უმრავლესობა აღჭურვილია მაღალი ბაქნებით, რაც მოხერხებულ პირობას ქმნის მგზავრთა ჩასხდომა-გადმოსხდომისათვის.

საქართველოს რკინიგზაზე განლაგებული სადგურებიდან ერთი სამგზავრო სადგურია, ორი მახარისხებელი, ორი საპორტო, ხუთი საუბნო, რვა სატვირთო და დანარჩენი შუალედური სადგურებია. მახარისხებელი სადგურებიდან დღეისათვის მთელი დატვირთვით მუშაობს მხოლოდ “თბილისი-მახარისხებელი”. “სამტრედია-მახარისხებელი”-ს ფუნქციები შეზღუდულია. საპორტო სადგურებიდან ორივე სადგური მუშაობს სრული დატვირთვით, მაგრამ ახლო მომავალში, როგორც პროგნოზი გვიჩვენებს, ისინი ვეღარ შეძლებენ ტვირთნაკადების გადამუშავებას. ამიტომ უკვე მიღებულია ზომები საქართველოს შავიზღვისპირეთში ახალი საპორტო სადგურების მშენებლობის შესახებ (ყულევის, სუფსისა და ანაკლიის აპგატორიაში).

საქართველოს რკინიგზაზე განლაგებული სადგურები აღჭურვილია ელექტრული ცენტრალიზაციის მოწყობილობებით. გადასარბენების ძირითად ნაწილზე მოქმედებს ავტობლოკირება. ინტენსიურად მიმდინარეობს სადგურების რეკონსტრუქცია-განახლება იმ ანგარიშით, რომ გაიზარდოს მათი გამტარ- და გადამუშავებისუნარიანობა, რათა შესაძლებელი გახდეს ყოველწლიურად მზარდი ტვირთნაკადების ათვისება.

თუ გავითვალისწინებთ იმ გარემოებას, რომ “ტრასეგას” სატრანსპორტო დერეფანი, შორეული აღმოსავლეთისა და ინდოხინეთის ქვეყნებიდან, რომ აღარაფერი ვთქვათ შუა აზიის ქვეყნებზე, ევროპაში ტრანსპორტირების თვალსაზრისით, პრიორიტეტულია სხვა აღტერნატიულ

დერეფნებთან შედარებით, ეჭვგარეშეა, რომ ტვირთების მოცულობის ზრდის ტემპი მოცემულ მარშრუტზე ყოველწლიურად მოიმატებს.

რკინიგზის მუშაობა შეფასდება რაოდენობრივი და ხარისხობრივი მაჩვენებლებით. რაოდენობრივი მაჩვენებლები განსაზღვრავს მგზავრთა გადაყვანისა და ტვირთზიდვის, ასევე საგაგონო და სალოკომოტივო პარკის მუშაობის მოცულობას, ხოლო ხარისხობრივი მაჩვენებლები - მოძრავი შემადგენლობის გამოყენების ხარისხს.

რაოდენობრივ მაჩვენებლებს მიეკუთვნება: დატვირთვა, დაცლა, მგზავრბრუნვა, ტვირთბრუნვა, ტვირთდაძაბულობა, მატარებლებისა და ვაგონების გარბენები და სხვ.

ხარისხობრივ მაჩვენებლებს მიეკუთვნება: ვაგონის ბრუნვა, მატარებელთა მოძრაობის სიჩქარეები, ვაგონის მოცდენა, ვაგონის და ლოკომოტივის მწარმოებლურობა, მატარებლის საშუალო მასა და შემადგენლობა და სხვ.

სადისერტაციო ნაშრომში გაანალიზებულია საქართველოს რკინიგზის მუშაობის ძირითადი ტექნიკურ-ეკონომიკური მაჩვენებლები 2010-2015 წლების პერიოდისათვის, რომლებიც მოტანილია №1 ცხრილში.


#### ცხრილი 1.

##### საქართველოს რკინიგზის მუშაობის ტექნიკურ-ეკონომიკური მაჩვენებლები

მაჩვენებელი	წლები					
	2010	2011	2012	2013	2014	2015
ტვირთბრუნვა, მლრდ. ტ.კმ.	6,23	6,05	5,97	5,52	4,50	3,3
მგზავრბრუნვა, მლრდ. მგზ.კმ.	0,65	0,64	0,62	0,58	0,51	0,4
ვაგონის ბრუნვა, დღ.დღ.	5,8	5,9	5,6	6,2	5,8	5,1
სატვირთო მატარებლის ტექნიკური სიჩქარე, კმ/სთ.	33,7	32,9	32,9	34,6	36,0	36,5
სატვირთო მატარებლის საუბნო სიჩქარე, კმ/სთ.	28,0	28,0	28,3	31,4	32,5	32,7
სატვირთო მატარებლის საშუალო მასა (ბრუნვ), ტ.	2107,3	2051,7	2060,2	2238,3	2232,9	2221,3


№1 ცხრილის საფუძველზე აგებული იქნა დიაგრამები, რომლებიც მოტანილია ნახ. 1 - 6-ზე.

$\Sigma Pt$  მლრდ. ტ.ვ.




ნახ. 1. ტეკირთბრუნვის განვითარების დინამიკა 2010-15 წლებში


$\Sigma Af$  მლრდ. ტ.ვ.




ნახ. 2. მგზავრბრუნვის განვითარების დინამიკა 2010-15 წლებში




ნახ. 3. გაგონის პრუნგა



ნახ. 4. სატენირო მატარებლის ტექნიკური სიჩქარე



ნახ. 5. სატგირთო მატარებლის საუბნო სიჩქარე



ნახ. 6. სატგირთო მატარებლის საშუალო მასა (ბრუტო)

რკინიგზის მუშაობის შეფასების უმნიშვნელოვანები ხარისხობრივი მაჩვენებელია ვაგონის ბრუნვა, რომელიც ფაქტიურად აჯამებს რკინიგზის ყველა ქვედანაყოფის მუშაობას (მწარმოებლურობას). აგებული

დიგრამებიდან (ნახ. 3) ჩანს, რომ 2014 წელს აღნიშნული მაჩვენებელი გაუმჯობესდა თითქმის 1/3-ით, კერძოდ ვაგონის ბრუნვის დრო შემცირდა (დაჩქარდა) დაახლოებით რვა საათით, რაც საშუალებას გვაძლევს ვაგონთა ერთი და იმავე პარკით შევასრულოთ უფრო მეტი მოცულობის სამუშაო, რის შედეგადაც შევამცირებოთ ვაგონებზე მოთხოვნას და გადაზიდვების საექსპლუატაციო ხარჯებსაც.

როგორც ცნობილია საქართველო სატრანზიტო ქვეყანაა და უდიდესი მნიშვნელობა ენიჭება საქართველოს რკინიგზის გამტარ- და გადაზიდვისუნარიანობის დონის ამაღლებას. ამ თვალსაზრისით სხვა მნიშვნელოვან ფაქტორებთა ერთად საყურადღებოა მატარებელთა მოძრაობის სიჩქარეების მაქსიმალურად ამაღლებაც. როგორც აგებული დიაგრამები (ნახ. 4 და ნახ. 5) ადასტურებენ ბოლო წლებში სიჩქარეები (ტექნიკური და საუბნო) გაიზარდა დაახლოებით 7-8%-ით.

რკინიგზის უბნების გადაზიდვის უნარის ამაღლების მიმართულებით ერთ-ერთი ეფექტური მეთოდია სატვირთო მატარებელთა საშუალო მასის გაზრდა. ამ თვალსაზრისითაც საქართველოს რკინიგზაზე ბოლო წლებში პროგრესი შეინიშნება (ნახ. 10), კერძოდ მატარებლების საშუალო მასა გაიზარდა დაახლოებით 9-10%-ით.

რაც შეეხება ტვირთბრუნვისა და მგზავრბრუნვის დონეს საქართველოს რკინიგზაზე (ნახ. 1, ნახ. 2) ბოლო წლებში შემცირებულია, მაგრამ დღეისათვის მიმდინარეობს საქართველოს რკინიგზის ქსელის გაფართოება, სამგზავრო გადაზიდვების მიმართულებით აქტიური მუშაობა (სამგზავრო შემადგენლობათა სერვისისა და მგზავრთა მომსახურების ამაღლება, მოძრაობის სიჩქარეების გაზრდა და ა.შ.) და სხვა მნიშვნელოვანი დონისძიებების გატარება, რაც ბუნებრივია გააუმჯობესებს ზემოთ აღნიშნულ პარამეტრებს.

ჩვენს მიერ ასევე ჩატარებულია ანალიზი 2009-2015 წლებში საქართველოს რკინიგზის ცენტრალური მიმართულების უბნებზე მატარებელთა მოძრაობის დინამიკის თვალსაზრისით, რომლის შედეგებიც მოტანილია 2-ე ცხრილში. როგორც ცხრილიდან ჩანს ყველაზე ტვირთდაბაბულია “თბილისი-ხაშურისა” და “ხაშური-ზესტაფონის” უბანი

და საერთო ჯამში “თბილისი-სამტრედიის” ცენტრალური მიმართულება, რომლის უბნებზეც მატარებელთა სადღედამისო მოძრაობის ზომები ტოლია: “თბილისი-ხაშურის” უბანზე 14 მატარებლისა დღე-დამეში, “ხაშური-ზესტაფონის” უბანზე - 13-ისა და “ზესტაფონი-სამტრედიის” უბანზე - 13 წყვილი მატარებლისა დღე-დამეში.

ცხრილი 2.  
საქართველოს რკინიგზის ცენტრალური მიმართულების უბნებზე მატარებელთა მოძრაობის დინამიკა წლების მიხედვით

უბნის დასახელება	n, წყვილი მატარებელი დღე-დამეში						
	2009	2010	2011	2012	2013	2014	2015
გარდაბანი- თბილისი	15/12	17/14	17/14	16/13	14/11	12/9	12/8
თბილისი- ხაშური	17/16	19/18	19/18	18/17	15/15	14/13	14/12
ხაშური- ზესტაფონი	17/16	19/19	19/19	18/18	15/15	14/14	13/13
ზესტაფონი- სამტრედია	18/16	20/18	20/18	18/17	15/15	14/14	13/12
სამტრედია- ბათუმი	11/8	10/8	9/8	9/7	8/7	7/6	6/5
სამტრედია- ფოთი	9/8	12/11	11/10	10/10	9/9	8/8	8/8

ტვირთნაკადების ტრანსპორტირება ბოლო პუნქტამდე (ამ შემთხვევაში სადგური ბათუმი და სადგური ფოთი) ხორციელდება ერთლიანდაგიანი უბნებით. ამიტომ უდავოა, რომ ამ უბნების სიმძლავრის გაზრდის მიზნით (სამტრედია-ბათუმი, სამტრედია-სენაკი-ფოთი), უახლოეს მომავალში საჭირო გახდება სათანადო ლონისძიებების გატარება.

**შედეგებისა და მათი განსჯის მეორე თავი** ეძღვნება საქართველოს რკინიგზის ცენტრალურ მიმართულებაზე ტექნიკური სიმძლავრის გამოკვლევის საკითხებს.

როგორც ცნობილია საქართველოს რკინიგზის ცენტრალური სატრანზიტო მიმართულება შედგება როგორც ორლიანდაგიანი, ასევე ერთლიანდაგიანი უბნებისგან. “თბილისი-ხაშური-ზესტაფონი-სამტრედიის” მონაკვეთი ორლიანდაგიანია, “სამტრედია-ბათუმისა” და “სამტრედია-ფოთის” უბნები კი ერთლიანდაგიანი. ეოველწლიურად მზარდი

ტვირთზიდვის ტემპი აქტუალურს ხდის საკითხს აღნიშნულ მიმართულებაზე რკინიგზის არსებული სიმძლავრის შესაბამისობის შესახებ საჭიროსთან, რაც აუცილებელია მიმართულების სტაბილური ფუნქციონირებისა და საბოლოო ჯამში რკინიგზის კონკურენტუნარიანობის მაღალი დონის შესანარჩუნებლად.

საქართველოს რკინიგზის ცენტრალურ მიმართულებაზე შემზღვდავია მხოლოდ “ხაშური-ზესტაფონის” საუღელტეხილო უბანი. დანარჩენი უბნების განხილვა სიმძლავრის გაზრდის თვალსაზრისით მიზანშეუწონლად უნდა ჩაითვალოს, რადგანაც მათი სიმძლავრის არსებული რეზერვი ჯერ კიდევ არ არის რეალიზებული.

იმისათვის, რომ დავადგინოთ რამდენად შეესაბამება ხაზის არსებული გადაზიდვისუნარიანობა საჭიროს, აუცილებელია განისაზღვროს თითოეული უბნის გამტარუნარიანობა. როგორც ცნობილია ავტობლოკირებით აღჭურვილი ორლიანდაგიანი ხაზის გამტარუნარიანობა ერთ მიმართულებაზე არაპარალელური გრაფიკის დროს განისაზღვრება ფორმულით:

$$n_{\text{სამ}} = [(1440 - t_{\text{ტ}}) \alpha_{\text{სამ}}] : I - \varepsilon_{\text{სამ}} n_{\text{სამ}} \quad (1)$$

სადაც  $t_{\text{ტ}}$  - ტექნიკური საჭიროებისთვის გამოყოფილი დრო დღე-დამეში;  $t_{\text{ტ}} = 60$  წთ ერთ მიმართულებაზე;

$\alpha_{\text{სამ}}$  - ტექნიკური აღჭურვილობის საიმედოობის კოეფიციენტი.  $\alpha_{\text{სამ}} = 0,95 \div 0,97$ ; ანგარიშებისთვის შეიძლება მივიჩნიოთ, რომ  $\alpha_{\text{სამ}} = 0,96$ ;

$I$  - მატარებელთშორის ინტერვალი პაკეტში. საქართველოს პირობებისთვის შეიძლება დაგუშვათ, რომ  $I = 8$  წთ;

$\varepsilon_{\text{სამ}}$  - სამგზავროსგან სატვირთო მატარებლის მოხსნის კოეფიციენტი;

$n_{\text{სამ}}$  - მოცემულ უბანზე სამგზავრო მატარებლების მოძრაობის ზომები.

სამგზავრო მატარებლების მოხსნის კოეფიციენტი ორლიანდაგიან უბანზე განისაზღვრება ფორმულით:

$$\varepsilon_{\text{бвд}} = \left[ t_{\text{бвд}}(1 - \Delta)(0,25 + 0,7j) + I_{\partial\omega}^{\text{бвд}} + I_{\beta\omega}^{\text{бвд}} \right] : I_{\text{бвд}} + 0,1 \quad (2)$$

სადაც  $t_{\text{бвд}}$  - მატარებლის მოძრაობის საშუალო დრო შემზღვდველ  
გადასარბენზე, წთ;

$\Delta$  - სატვირთო და სამგზავრო მატარებლების მოძრაობის  
სიჩქარეების ფარდობა;

$j$  - უბნის გადასარბენების არაიდენტურობის  
კოეფიციენტი;

$I_{\partial\omega}^{\text{бвд}}, I_{\beta\omega}^{\text{бвд}}$  - შესაბამისად სატვირთო მატარებლის მოსვლა და  
უკან მიმყოლ სამგზავრო მატარებელს შორის  
მინიმალური ინტერვალი და ინტერვალი სამგზავრო  
მატარებლის წასვლის მომენტიდან სატვირთო  
მატარებლის მიყოლებით გაგზავნამდე. ანგარიშებით  
დადგენილია, რომ  $I_{\partial\omega}^{\text{бвд}} = 8$  წთ,  $I_{\beta\omega}^{\text{бвд}} = 5$  წთ;

$I_{\text{бвд}}$  - უბანზე ერთი მიმართულებით მოძრავ სატვირთო  
მატარებელთა შორის საანგარიშო ინტერვალი.  
ჩატარებული ანალიზის საფუძველზე, საქართველოს  
რკინიგზის პირობებში მისი სიდიდე შეიძლება  
მივიჩნიოთ 12 წთ-ის ტოლად.

მიუხედავად იმისა, რომ დღეისათვის საქართველოს რკინიგზის  
მხოლოდ გარკვეულ ნაწილზე მოქმედებს ავტობლოკირება, ჩვენ  
ანგარიშებში ვითვალისწინებთ აგტობლოკირების მოქმედებას რკინიგზის  
მთელ ქსელზე, როგორც ეს იყო წინა პერიოდში, იმ ანგარიშით, რომ  
უახლოეს მომავალში რეალურად აღდგება აგტობლოკირება, როგორც  
მატარებელთა რეგულირების პროგრესული საშუალება.

თუ გავაანალიზებთ ხაშური-ზესტაფონის უბნის სქემას მისი  
ტექნიკური პარამეტრებით (სადგურთა რაოდენობა, საგადასარბენო სვლის  
დროები წყვილ და კენტ მიმართულებებზე, სადგურთა შორის დაშორება,  
მატარებელთა მოძრაობის სიჩქარეები და სხვ.), ამასთან სამგზავრო  
მატარებლის მოძრაობის სიჩქარეს მივიჩნევთ 60 კმ/სთ-ის, ხოლო

სატვირთო მატარებლისას 40 კმ/სთ-ის ტოლად (როგორც პროფილის გამოქვეყნებულ მოძრაობის სიჩქარის საშუალო მნიშვნელობებს ორივე შემთხვევაში ვამცირებთ 20 კმ/სთ-ით), მაშინ მატარებლის მოძრაობის საშუალო დრო შემზღვდველ გადასარბენებულ იქნება  $t_{\text{სამ}} = 11,8$  წთ, ხოლო არაიდენტურობის კოეფიციენტი  $j = 0,79$ . სიღილე  $\Delta = \frac{40}{60} = 0,67$ ; სამგზავრო მატარებელთა მოძრაობის ზომები აღნიშნულ უბანზე შეადგენს  $n_{\text{სამ}} = 10$  წყვილ მატარებელს დღე-დამეში. მოყვანილი პარამეტრების საფუძველზე, მათი მნიშვნელობების (1) და (2) ფორმულებში ჩასმის შემდეგ, შეიძლება განისაზღვროს ხაშური-ზესტაფონის უბნის რეალური გამტარუნარიანობა, რომელიც  $n_{\text{სამ}} = 165,6 - 144,4 = 151,2 \approx 152$  წყვილი მატარებელი დღე-დამეში.

“ხაშური-ზესტაფონის” ორლიანდაგიან უბანზე აუცილებელია გათვალისწინებულ იქნას შემდეგი გარემოებები: დიდი ქანობის გამო ( $i = 31\%$ ), უბანზე განლაგებულ თითქმის ყველა სადგურში სატვირთო მატარებელს უხდება ტექნოლოგიით გათვალისწინებული გაჩერება გადახურებული სამუხრაჭე ხუნდების გასაცივებლად. აღნიშნული გაჩერებების საშუალო მნიშვნელობა დაახლოებით 5 წთ-ია, რაც იწვევს დღე-დამის განმავლობაში დროის გაუთვალისწინებულ შეჯამებულ ხარჯებს, რომლის გამოყენებაც მატარებელთა გასატარებლად შეუძლებელია. რადგანაც რეალური გამტარუნარიანობა აღნიშნულ უბანზე ტოლია 152 წყ. მატარებლია დღე-დამეში, აუცილებელი იქნება 152 მატარებლის გაჩერება ბუქსების გასაგრილებლად, ანუ ამისთვის საჭირო იქნება  $152 \cdot 5 = 760$  წთ. საბოლოო ჯამში ხაშური-ზესტაფონის ორლიანდაგიანი უბნის გამტარუნარიანობა იქნება:

$$n_{\text{სამ}} = \frac{(1440-60-760) \cdot 0,96}{8} - \frac{(1440-60-760) \cdot 0,96}{8} \cdot 0,22 - 14,4 = 44 \quad \text{წყ.} \quad \text{მატარებელი დღე-დამეში.}$$

ამ ანგარიშების შემდეგ უნდა განისაზღვროს რამდენად შეესაბამება ხაზის ფაქტიური გამტარუნარიანობა საჭიროს. არსებულმა (ფაქტიურმა) გამტარუნარიანობამ უნდა უზრუნველყოს წაყენებული მოთხოვნები, ანუ საჭირო გადაზიდვისუნარიანობა.

როგორც ცნობილია რკინიგზის გადაზიდვისუნარიანობა ზოგადად განისაზღვრება ცნობილი ფორმულით:

$$\Gamma = 365 \cdot n_{\text{სამ}} \cdot Q_{\text{გრ}} \cdot \varphi, \quad \text{მდნ.. ტ. ნეტო,} \quad (3)$$

სადაც  $n_{\text{სამ}}$  - მოცემულ მიმართულებაზე არსებული სატვირთო მოძრაობის ზომები, მატარებელი;

$Q_{\text{გრ}}$  - მატარებლის ბრუტო მასა, ტ;

$\varphi$  - მატარებლის ნეტო მასის ფარდობა ბრუტო მასასათან.

უნდა აღინიშნოს, რომ გადაზიდვისუნარიანობა, როგორც წესი, ისაზღვრება მხოლოდ ერთი მიმართულებისთვის. საქართველოს რკინიგზის პირობებში სატვირთო მიმართულებად მიჩნეულია წყვილი მიმართულება ანუ თბილისიდან სამტრედისაკენ.

საშური-ზესტაფონის უბნის წყვილ მიმართულებაზე  $Q_{\text{გრ}} = 2600$  ტ,  $n_{\text{სამ}} = 44$ , მაშინ

$$\Gamma_{\text{სამ}} = 365 \cdot 44 \cdot 2600 \cdot 0,68 = 28394080 \quad \text{ტონა ნეტო.}$$

ერთლიანდაგიან უბანზე ჩვეულებრივ პირობებში არაპარალელური გრაფიკის დროს გამტარუნარიანობა განისაზღვრება ცნობილი ფორმულით:

$$n_{\text{გრ}} = \frac{(1440 - t_{\text{გრ}}) \cdot \alpha_{\text{სამ}}}{t' + t'' + \tau_A + \tau_B + t_{\text{ამ}}} - \varepsilon_{\text{სამ}}^{\text{გრ}} n_{\text{სამ}}^{\text{გრ}} \quad (4)$$

სადაც  $t'$ ,  $t''$  - სატვირთო მატარებლის მოძრაობის საშუალო დროები უბნის შემზღვდველ გადასარბენზე კენტ და წყვილ მიმართულებაზე, წთ;

$\tau_A, \tau_B$  - სასადგურო ინტერვალები მატარებელთა მოძრაობისას გადასარბენის შემზღვდველ სადგურებში. ანგარიშში მიღებულია  $\tau_A + \tau_B = 5$  წთ;

$t_{\text{ამ}}$  - მატარებლის აჩქარებასა ( $t_{\text{ა}}$ ) და შენელებაზე ( $t_{\text{გ}}$ ) დახარჯული დრო;  $t_{\text{ამ}} = t_{\text{ა}} + t_{\text{გ}} = 2 + 1 = 3$  წთ.

$\varepsilon_{\text{სამ}}^{\text{გრ}}$  - უბანზე სამგზავრო მატარებლისგან სატვირთოს მოხსნის კოეფიციენტი ერთლიანდაგიან უბანზე;

$n_{\text{სამ}}^{\text{მუთ}}$  - სამგზავრო მოძრაობის ზომები ერთლიანდაგიან უბაზე.

სიდიდე  $\varepsilon_{\text{სამ}}^{\text{მუთ}}$  განისაზღვრება შემდგენაირად:

$$\varepsilon_{\text{სამ}}^{\text{მუთ}} = \frac{T_{\text{სამ}}}{t' + t'' + \tau_A + \tau_B + t_{\text{სამ}}}, \quad (5)$$

სადაც  $T_{\text{სამ}}^{\text{მუთ}}$  - სამგზავრო მატარებლის მიერ გადასარბენის დაკავების დრო, წთ; აღნიშნული სიდიდე გამოითვლება კონკრეტული პირობებისთვის.

სამტრედია-ბათუმის უბნის ანალიზის საფუძველზე ვსაზღვრავთ (3) და (4) ფორმულებში შემავალ სიდიდეებს:  $n_{\text{მუთ}} = 38,96 - 6,13 = 33$  წყ. მატარებელი დღედამეში.

სამტრედია-ფოთის უბანზე სიდიდეები  $t' + t'' + \tau_A + \tau_B + t_{\text{სამ}} = 36$  წთ,  $T_{\text{სამ}}^{\text{მუთ}} = 27,5$  წთ,  $n_{\text{სამ}}^{\text{მუთ}} = 5$ . გამტარუნარიანობა ტოლია  $n_{\text{მუთ}} = 36,8 - 3,8 = 33$  წყ. მატარებელი დღედამეში.

ანალოგიურად განვსაზღვრავთ ფაქტიურ გამტარუნარიანობის ზომებს “სამტრედია-ბათუმისა” და “სამტრედია-ფოთის” უბნებზე.

სამტრედია-ბათუმის უბნის ფაქტიური გამტარუნარიანობა იქნება:

$$n_{\text{სამ}} = \frac{(1440-60) \cdot 0,96}{34} - \frac{(1440-60) \cdot 0,96}{34} \cdot 0,40 - 6,12 = 16 \quad \text{წყ.} \quad \text{მატარებელი დღედამეში.}$$

სამტრედია-ფოთის უბანის ფაქტიური გამტარუნარიანობა იქნება:

$$n_{\text{სამ}} = \frac{(1440-60) \cdot 0,96}{34} - \frac{(1440-60) \cdot 0,96}{34} \cdot 0,42 - 3,8 = 18 \quad \text{წყ.} \quad \text{მატარებელი დღედამეში.}$$

სამტრედია-ბათუმის უბანის წყვილ მიმართულებაზე  $Q_{\text{ბრ}} = 3700$  ტ,


$n_{\text{სამ}} = 16$ , მაშინ  $\Gamma_{\text{სამ}}^{\text{ბრ}} = 365 \cdot 16 \cdot 3700 \cdot 0,68 = 14694400$  ტონა ნეტო;

სამტრედია-ფოთის უბანის წყვილ მიმართულებაზე  $Q_{\text{ბრ}} = 3600$  ტ,


$n_{\text{სამ}} = 18$ , მაშინ  $\Gamma_{\text{სამ}}^{\text{ბრ}} = 365 \cdot 18 \cdot 3700 \cdot 0,68 = 16083360$  ტონა ნეტო.

ნახ. 7, 8 და 9-ზე ნაჩვენებია საქართველოს რკინიგზის ცენტრალურ სატრანზიტო მიმართულებაზე განლაგებულ უბნებზე არსებული

სიმძლავრის საჭირო სიმძლავრესთან შესაბამისობის ამსახველი დინამიკა. როგორც ნახაზიდან ჩანს, საქართველოს მუშაობის თვალსაზრისით მწვავე მდგომარეობაა ხაშური-ზესტაფონისა (ნახ. 7) და სამტრედია-ფოთის (ნახ. 9) უბნებზე. დაახლოებით 2007 წლიდან სამტრედია-ფოთის უბანი მუშაობს ტვირთდაბაბულ რეჟიმში, ასევე ტვირთდაბაბულ რეჟიმში მუშაობს ხაშური-ზესტაფონის უბანი წყვილ მიმართულებაზე. შედარებით სტაბილურ რეჟიმში მუშაობს სამტრედია-ბათუმის უბანი, რომლის სიმძლავრეც უზრუნველყოფს ამ უბანზე მზარდი ტვირთნაკადების ათვისებას დაახლოებით 2017 წლამდე და თუ ამ ხნის განმავლობაში არ იქნა ზომები მიღებული სიმძლავრის გაზრდისთვის, მასაც მოუწევს ტვირთდაბაბულ რეჟიმში მუშაობა.




ნახ. 7. “ხაშური-ზესტაფონის” რეინიგზის უბნის არსებული სიმძლავრის შესაბამისობა საჭიროსთან



ნახ. 8. “სამტრედია-ბათუმის” რეინიგზის უბნის არსებული სიმძლავრის შესაბამისობა საჭიროსთან

Г მღრღნებით



ნახ. 9. “სამტრედია-ფოთის” რკინიგზის უბნის არსებული სიმძლავრის შესაბამისობა  
საჭიროსთან

შედეგებისა და მათი განხჯის მეხამე თავში წარმოდგენილია  
საჭართველოს რკინიგზაზე სატრანზიტო გადაზიდვების განვითარების ინტენსიური ტექნოლოგიები.

სარკინიგზო ტრანსპორტის განვითარების თანამედროვე ეტაპზე მნიშვნელოვანი ადგილი უკავია გადაზიდვითი პროცესის მაღალეფებიანი ინტენსიური ტექნოლოგიების შექმნისა და დანერგვის საკითხებს, რომლებიც საშუალებას იძლევიან გავზარდოთ რკინიგზის ქსელის გამტარუნარიანობა და გადაზიდვის უნარი, უზრუნველყოფით ლოკომოტივებისა და ვაგონების მაღალმწარმოებლური საიმედო მუშაობა. ინტენსიური ტექნოლოგია უზრუნველყოფს რკინიგზის ცალკეული ხაზებისა და მთელი მიმართულებების გადაზიდვითი სიმძლავრის სისტემატურ ამაღლებას გადიდებული მასისა და სიგრძის მატარებელთა მიმოსვლის, შეერთებული მატარებლების ტარების, ვაგონთა სტატუსური დატვირთვის გაზრდის, მატარებელთა მოძრაობის დისპეტჩერული ხელმძღვანელობის სრულყოფის წყალობით. ძალზე არსებითია აგრეთვე ვაგონთა მოცდენის მნიშვნელოვანი შემცირება და მათი ბრუნვის დაჩქარება, მატარებელთა მოძრაობის სიჩქარის გაზრდა, ლოკომიტივების და ვაგონების მწარმოებლობისა და საიმედოობის ამაღლება, შრომის

ნაყოფიერებისა და ძირითადი საწარმოო პროცესების საერთო ეფექტიანობის ზრდის ტემპის დაჩქარება და სხვ.

ინტენსიური ტექნოლოგია გულისხმობს გადაზიდვის ორგანიზაციისა და ტექნიკური საშუალებების ყველაზე უფრო სრულ გამოყენებას, პროგრესული ტექნოლოგიური ხერხებისა და მოწინავე მეთოდების, ფართო დანერგვას ეფექტიანი მარეგულირებელი ზომების მთელი კომპლექსის ჩათვლით.

ინტენსიური ტექნოლოგიების ფართოდ გამოყენების უზრუნველყოფის პროცესში დიდი რეზერვები შეუძლია გამოავლინოს საექსპლუატაციო მუშაობის მართვის ავტომატიზაციამ რკინიგზის უბნებსა და მიმართულებებზე, რომელიც სამატარებლო მუშაობის სადღედამისო და მიმდინარე დაგეგმვის უფრო სრულყოფილ სისტემას.

ინტენსიური ტექნოლოგიების გამოყენების სფეროში განსაკუთრებული ადგილი უკავია საპორტო სადგურთა მუშაობაში თანამედროვე ტექნოლოგიურ პროცესთა დანერგვას, რომელთაგან შეიძლება გამოვყოთ: ტვირთის გადაცემის პირდაპირი ვარიანტი („გემი-ვაგონი“ და „ვაგონი-გემი“); სატვირთო ოპერაციებში მექანიზაციისა და ავტომატიზაციის საშუალებათა დანერგვა; ერთიანი ტექნოლოგიური პროცესის შემუშავება და ა.შ.

წინასწარი გაანგარიშებები გვიჩვენებენ, რომ ინტენსიური ტექნოლოგიების დანერგვის დროს რკინიგზის მთავარ მაგისტრალზე შესაძლებელი იქნება გავზარდოთ გამტარუნარიანობა დაახლოებით 20-25 წევილი სატვირთო მატარებლით დღულამეში, რაც მნიშვნელოვნად გაზრდის რკინიგზის შემოსავადს.

სარკინიგზო ტრანსპორტის ეფექტიანი მუშაობა მნიშვნელოვან-წილად არის დამოკიდებული მეცნიერულ-ტექნიკური პროგრესის განვითარებაზე.

სარკინიგზო ტრანსპორტის განვითარების სტრატეგიაში საჭიროა თანამედროვე უმნიშვნელოვანები სატრანსპორტო პრობლემების ასახვა, რომელთა შორის ყველაზე პრიორიტეტულია: მმართველი საინფორმაციო სისტემები; ახალი ტექნოლოგიები და ტექნიკური საშუალებები;

ეკონომიკური, სამარკეტინგო და საფინანსო მუშაობის სრულყოფა და მატარებელთა მოძრაობის უსაფრთხოება.

თანამედროვე პირობებში სულ უფრო მეტ ყურადღებას იძენს რკინიგზის ტარიფები, რომლებიც მოქნილად (მოხერხებულად) უნდა რეაგირებდეს სარკინიგზო ტრანსპორტისათვის შესასყიდი სათბობის, ელექტროენერგიის, მასალების, მოძრავი შემადგენლობისა და სხვა ტექნიკის სახელმწიფოებრივი საბითუმო, აგრეთვე სახელშეკრულებო და საბაზრო ფასების ყველა ცვლილებაზე.

იმასთან დაკავშირებით, რომ სარკინიგზო ტრანსპორტისათვის შემოსავლის (მოგების) გაზრდა მიჩნეულია მისი საქმიანობის მთავარ პირობად, მეტი ძალისხმევაა საჭირო დამატებითი შემოსავლების მოზიდვის შესაძლებლობათა ძიებისათვის, საექსპლუატაციო და სხვა ხარჯების ყოველმხრივი, შემცირებისათვის, სატრანსპორტო სერვისის განვითარებისა და მომსახურების ფორმების გაფართოებისათვის. შემოსავლის მიღების არანაკლები მნიშვნელობის წყაროებია ეგრეთ წოდებული სახელშეკრულებო ტარიფები. ცნობილია, რომ ძირითადი შემოსავლის დაახლოებით 90 პროცენტს სარკინიგზო ტრანსპორტი იღებს გადაზიდვის პროცესიდან. ამიტომ სატრანსპორტო მოთხოვნილებათა დაკმაყოფილება მოითხოვს გადაზიდვიდან შემოსავლის ფორმირებისა და საექსპლუატაციო ხარჯების შემცირებისადმი მიღვომის ძირფესვიან გადასინჯვას. მაგალითად, საბაზრო ეკონომიკის პირობებში სატრანსპორტო საქმიანობაში საჭიროა გავითვალისწინოთ, თუ როგორია ფასთა დამყარებული დონე ანალოგიურ გადაზიდვაზე შესაძლო კონკურენტებთან (მაგალითად საავტომობილო ტრანსპორტზე). სწორედ ჯანსაღი კონკურენციის პირობებში უნდა განახორციელოს რკინიგზამ თავისი ტარიფები, განახორციელოს ეფექტიანად და მაქსიმალური მოგების მიღების უზრუნველყოფით.

რკინიგზაზე სწორმა სატარიფო პოლიტიკამ ქვეყნის შიგნით ხელი უნდა შეუწყოს სარკინიგზო ტრანსპორტის ეკონომიურ გაძლიერებას და მუშაობის სტიმულირებას, სხვა სახეობებთან ჯანსაღი კონკურენციის

დამკვიდრებას, აგრეთვე ეროვნული მეურნეობის განვითარებას, მის ცალქეულ დარგთა აღორძინებას.

სწორ და სამართლიან სატარიფო პოლიტიკის გატარებას არანაკლები მნიშვნელობა ენიჭება აგრეთვე ქვეყნებს შორის ჯანსაღი საინტეგრაციო კავშირ-ურთიერთობათა დამყარებასა და განვითარებაშიც.

ინტენსიური ტექნოლოგიების განვითარების თვალსაზრისით მნიშვნელოვანია საკონტეინერო გადაზიდვების განვითარება.

დღეისათვის საკონტეინერო გადაზიდვები მთელ მსოფლიოში მაღალ დონეზეა განვითარებული. თუ გავითვალისწინებთ, რომ 1935 წლისათვის მთელ მსოფლიოში საკონტეინერო პარკი მხოლოდ რამდენიმე ათასს შეადგენდა, დღეისათვის მათი რაოდენობა მილიონებში იზომება. მსოფლიოს მასშტაბით, დიდმასიანი კონტეინერების პარკი დიდი ხანია გადაცდა 3,5 მილიონიან ზღვარს. ბოლო წლებში იგი ყოველწლიურად იზრდება 300-350 ათასი ერთეულით. უნდა აღინიშნოს, რომ კონტეინერების წარმოება ხორციელდება მოწინავე განვითარებულ ქვეყნებში, მათ შორის ყველაზე დიდი წილი მოდის იაპონიაზე: იგი აწარმოებს მსოფლიო საკონტეინერო პარკის დაახლოებით 30%-ს. მსოფლიოს საზღვაო პორტებში ყოველწლიურად გადამუშავდება დაახლოებით 7 მლნი კონტეინერი. ამ მხრივ წინა პლანზეა ეკროპის, ჩრდილო ამერიკის და შორეული აღმოსავლეთის ქვეყნები.

საკონტეინერო გადაზიდვების ეფექტურობის დადგენის მიზნით ნაშრომში ტექნიკურ-ეკონომიკური გაანგარიშების საფუძველზე განისაზღვრა ერთი ტონა ტვირთის ტრანსპორტირებაზე მოსული ხარჯები და გადაზიდვის თვითდირებულება ჩვეულებრივი და საკონტეინერო გადაზიდვების შემთხვევაში და აღმოჩნდა, რომ აღნიშნული ხარჯები საკონტეინერო გადაზიდვების დროს გაცილებით ნაკლებია, ვიდრე ჩვეულებრივი ვაგონით.

#### **ნაშრომში ჩამოყალიბდა შემდეგი დასკვნები:**

1. რკინიგზის ტრანსპორტის მუშაობის შეფასება ხორციელდება რაოდენობრივი და ხარისხობრივი მაჩვენებლების შესრულების დონით. ამ მიზნით ნაშრომში გაანალიზებულია საქართველოს რკინიგზის

მუშაობის ტექნიკურ-ეკონომიკური მაჩვენებლები 2010-2015 წლების პერიოდისათვის და აგებული იქნა დიაგრამები, რომლებმაც გვიჩვენა, რომ 2015 წლისთვის ვაგონის ბრუნვა გაუმჯობესდა 15-20%-ით, მატარებელთა მოძრაობის ტექნიკური და საუბნო სიჩქარეები გაიზარდა 7-8%-ით, ხოლო სატვირთო მატარებელთა მასა კი 9-10%-ით.

2. გამოკვლეულია საქართველოს რკინიგზის სატრანზიტო გადაზიდვების ზრდის შესაძლებლობები, კერძოდ დადგინდა, რომ საქართველოს რკინიგზის ცენტრალურ მიმართულებას ტვირთნაკადის მოცულობის ზრდის პირობებში შეუძლია გაატაროს არანაკლებ 30-35 მლნ.ტ ტვირთი წელიწადში.
3. გამოკვლეულია საქართველოს რკინიგზის ცენტრალური მიმართულების უბნების: “საშური-ზესტაფონის”, “სამტრედია-ბათუმისა” და “სამტრედია-ფოთის” არსებული ტექნიკური სიმძლავრეების შესაბამისობა საჭიროსთან, რის საფუძველზეც დადგინდა, რომ ტვირთდაბაზულ რეჟიმში მუშაობს “საშური-ზესტაფონის” უბანი 2009 წლიდან, ასევე ტვირთდაბაზულ რეჟიმში მუშაობს “სამტრედია-ფოთის” უბანი 2007 წლიდან, ხოლო სტაბილურ რეჟიმში იმუშავებს “სამტრედია-ბათუმის” უბანი 2017 წლამდე. აღნიშნული პერიოდის შემდეგ ამ უბანზე საჭირო იქნება ქმედითი დონისძიებების გატარება.
4. სარკინიგზო ტრანსპორტის მუშაობის სრულყოფის მიმართულებით მნიშვნელოვანია გადაზიდვითი პროცესის მაღალეფებიანი ინტენსიური ტექნოლოგიების გამოყენება, რომლებიც რკინიგზის ხაზების გამტარ-და გადაზიდვისუნარიანობის ამაღლების საშუალებას იძლევიან. ამ თვალსაზრისით შემოთავაზებულია ეფექტური დონისძიებები, მათ შორის: გრძელშემადგენლობიანი და შეერთებული მატარებლების ტარების ორგანიზაცია, რკინიგზისა და პორტის სადგურთა მუშაობის პროგრესული ტექნოლოგიები, საკონტეინერო გადაზიდვებში მაღალეფების ტექნოლოგიები და განსაზღვრულია მათი გამოყენების სფეროები.
5. განსაზღვრულია ტექნიკურ-ეკონომიკური გაანგარიშებების საფუძველზე ინტენსიური ტექნოლოგიების გამოყენების შედეგად

მიღებული ეფექტურობა, კერძოდ განისაზღვრა ერთი ტონა ტვირთის ტრანსპორტირებაზე მოსული ხარჯები და გადაზიდვის თვითდირებულება ჩვეულებრივი და საკონტეინერო გადაზიდვების შემთხვევაში და აღმოჩნდა, რომ ერთი ტონა ტვირთის გადასაზიდად საჭირო ხარჯები ჩვეულებრივი ვაგონით შეადგენს 3 ლარს, ხოლო საკონტეინერო გადაზიდვების შემთხვევაში კი 1,8 ლარს. გადასაზიდი ტვირთის მოცულობის ზრდასთან ერთად გადაზიდვის ხარჯები კონტეინერებით გადაზიდვის შემთხვევაში მეტი ინტენსივობით მცირდება.

**დისერტაციის ძირითადი შინაარსი ასახულია შემდეგ პუბლიკაციებში:**

1. მ. ლომიძე, ლ. თელია. უცხოური ინვესტიციები საქართველოში. სამეცნიერო-ტექნიკური ჟურნალი “ტრანსპორტი და მანქანათმშენებლობა”. ISSN 1512-3537. №1 (29). 2014 წ. გვ. 95-101.
2. ლ. თელია, გ. თელია. საქართველოს რკინიგზის განვითარების ძირითადი მიმართულებები. სამეცნიერო-ტექნიკური ჟურნალი “ტრანსპორტი და მანქანათმშენებლობა”. ISSN 1512-3537. №2 (30). 2014 წ. გვ. 45-50.
3. ბ. დავითაძე, ლ. თელია. სარკინიგზო ტრანსპორტის როლი და ადგილი საქართველოს სატრანსპორტო დერეფანში. ანალიზი, პრაქტიკა. თსუ. პაატა გუბუშვილის ეკონომიკის ინსტიტუტის სამეცნიერო შრომების კრებული, №VII. 2014 წ. გვ. 424-428.
4. პ. ქენქაძე, ო. ყლატეიშვილი, ლ. თელია, გ. ცერცვაძე, გ. პაციტაძე. მოცემულ ეტაპზე საქართველოს რკინიგზის გადაზიდვითი პროცესის სრულყოფის აქტუალური პრობლემები. სამეცნიერო-ტექნიკური ჟურნალი “ტრანსპორტი და მანქანათმშენებლობა”. ISSN 1512-3537. №2 (33). 2015 წ. გვ. 80-86.
5. გ. ცისკარიძე, პ. ჩიხრაძე, ლ. თელია. პროექტის მენეჯმენტის აქტუალური საკითხები თანამედროვე კვლევებში. სამეცნიერო-ტექნიკური ჟურნალი “ტრანსპორტი და მანქანათმშენებლობა”. ISSN 1512-3537. №3 (34). 2015 წ. გვ. 52-57.

## **Abstract**

The railway transport represents one of the important constituent parts of Georgia's economy is.

After the establishment of Georgia as the independent and sovereign country's its railway transport was faced with serious challenges, among which the most important the increasing of trunk railway transportation capacity in order to ensure in the near future fully and effectively utilization of growing local and transit cargo flow.

The assessment of the railway transport operation is mainly carried out by execution of quantitative (cargo and passenger turnover, trains and carriages mileage, etc.) and qualitative (carriages and locomotives turnover, technical and span traffic speeds, carriage and locomotive productivity and so forth.) indicators.

Due this viewpoint in dissertation work has been analyzed the Georgia railway operation technical and economic indicators over the period of 2010-2015 and were plotted the diagrams, which revealed that in 2015 the carriage turnover is improved by almost 15-20%, resulting in reduced demand for freight carriages and transportation operating costs.

As it is known, Georgia is a transit country and the great importance is paid for the improvement of Georgia railway capability level. The analysis shows that in recent years on the Georgia Railways train traffic technical and span speeds is increased by up to 7-8%. As for the level of railway freight and passenger turnover, it is currently decreased, but nowadays is carried out the expansion of Georgian railway network, active work in the direction of passenger transportation and other important measures that would improve the operation of Georgian railway.

The geostrategic position of Georgia granted to railroad the status of a transit road, which became the main artery connecting Europe and Asia. The execution through the territory of Georgia of "TRACECA" program gives to our country future prospects of the economy in terms of strengthening our country. In the mentioned corridor will increase the speed of train traffic, which will increase the transportation capacity of Georgia trunk railway. In addition will be increase the interests of cargo carriers. Therefore it is necessary for the improvement of the Georgia railway operation to attend transit flow of goods and the expansion of transportation volume, its optimal organization of technical and technological support and improve the safety of train traffic.

In the work is analyzed the Georgia railway transit traffic growth opportunities, in particular is revealed that the central direction of Georgia railway in conditions of freight traffic growth may take 30-35 mln. ton cargo per year.

The Georgia trunk railway runs from Poti up to Beiuk-kiasik (Azerbaijan Border). Since 80-ies of XX century in Georgia is very reduced rate of new railway lines construction, due that was caused in the country remained underdeveloped traditional railway network and by railway frequency Georgia fell behind not only from European countries, but also in most of the former Soviet Union republics.

By railway lines and relevant technical equipment is relatively complete look only the central strip of Georgia territory. In the southern and northern regions of country railway communications development conditions are unsatisfactory. Due the unequal distribution on the country's territory of railway lines are overloaded trunk railway, the capability of that in the near future will not be able to meet the demands of local and transit transportation.

In order to study of Georgia's transit capabilities in the work grounded on calculations is defined the Georgia Railway central area spans: "Khashuri-Zestafoni", "Samtredia-Batumi" and "Samtredia Poti" railway spans capacity compliance with the necessities, based on that was established that in cargo duty mode "Khashuri-Zestaponis" span operates since 2009, also in cargo duty mode operates "Poti-Samtredia" span since 2007, and in a stable operating mode will be operate "Samtredia-Batumi" span up to 2017. After the mentioned period in order to raise the capacity of this span will be necessary to carry out organizational and technical measures or reconstruction.

Towards the improvement of the Railway transportation operation is important the application of transportation process highly effective intensive technologies that gives the possibilities to increase railway lines capability. In this regard, in work is offered a variety of measures, among which would be distinguished: drive of long and united trains, implementation of modern technological processes in railway and port stations operation, widely implementation of container shipping, implementation of complex mechanization and automation systems in loading and unloading operations and more.

On current stage on container shipping services worldwide, including Georgia is paid significant attention, because such transportation provides safety of goods and speeding up the delivery, the final outcome of the significantly reduced annual operating costs.

In order to determine the effectiveness of container transportation in the work based on the technical-economic calculations is determined costs of one ton of cargo transportation and prime cost of ordinary and container shipping cases, in particular is found that mentioned costs of container shipping is much less than by transportation of ordinary carriages.

Based on the carried out dissertation work are made argued conclusions.